

浦丹青式備絢煥如生固當契彼神明獲茲
福祉上扶邦國傍枯黎元調十雨五風以登
稼穡善九州六合以致雍熙洪圖齊日月乾
坤玄化匪蟻塚動植虔修醮酌恭登祝祈佇
降威靈允孚禎貺謹詞

廣成集卷之六

廣成集卷之七

致七

上如大清宮內供奉應制文章大德昭著柱石砥柱

莫庭又本命醮詞

伏以三官領籍五帝定生南天司祿算之文
北斗統紀繩之目至于嶽瀆真府本命官昌

主張而罪福無差考校而死生攸繫臣竊慮
謬膺撫字有曠輯和刑章或爽於重輕教化
未臻於德義因成罪咎錄在靈司未申祈謝
之儀恐致災凶之兆又慮天文宿曜或值照
臨本命行年或逢否塞兼天符五鬼在坤艮

之位居本命之辰況正月對衝尤懼衰厄敢
因元命之日虔詣靈山修設醮筵披露誠款
伏惟天曹釋過地簡祛災凶咎潛銷福善昭
集克延算祿永錫利貞然乞邑境安甯生靈
康泰救擿豐植水旱無侵人無疾癘之傷俗
洽和平之美不任

洽和平之美不任

莫庭又本命醮詞

伏聞大道生成元和鼓鑄流形品物布化群
靈甲上玄宰制之功垂下土吉凶之戒是則
懲惡勸善信為格言害盡福謀固惟常訓臣

夙聞玄旨敢不冥心揣分兢懷省躬思道而
叨居祿秩未耽罪氣秉朝憲則筆定典刑督
邦賦則庭施楨捷功或與於土不膳未罷於
炮燔故誤之罪莫知重輕之文或與以茲憂
懼恐結尤違況臣今年天符臨本命之長太

白居愁滯之位竊恐志隨災易留連於聲欲
之間情逐禍移沉溺於杯觴之內因思警慎
仍切懺陳敢於命之辰虔營焚修之禮濯
心靈洞歸款名山仰斗極星躔冀銷往咎瞻
鳳軒龍蓋願降新恩使罪戾蠲平究九和釋
災凶寧息祿算遐長骨肉則兩地樂康生靈
則一邑豐泰兵鋒永但疾癘無侵水旱勿興
農桑滋阜龍神安鎮遠近昭蘇誓策丹心上
副玄造不任

晉公南斗醮詞

伏以朱陵閔境南昌上官御正陽長育之方
行大道生成之化凡所祈啟必賜降臨臣以
愚蒙叨逢聖日恭崇禁密荷寵靈天常慮庸
虛難勝恩遇恐行年厄運宿曜災凶有加臨
則剋之期有滯塞運迫之數惟增惕懼罔敢

自安輒啓丹誠虔修禮特希憫護俯降威光銷已往之過尤解未萌之災咎續南極丹書之簡更益平齡除北都黑錄之文重新祿祚克垂濟度永荷靈恩無任

晉公后土醮詞

伏以惟地惟天厚載廣覆生成庶品孕育群靈坤德母儀光被萬有粵自君臣父子洎于動植飛潛厥有誠祈蓋申昭告臣封境之內戈甲屢興害及丘墳戮兼嬰遠近塗炭人鬼不寧痛彼一方毒深骨髓念茲萬姓誠切禱祈灑血披心仰希鑿祐伏冀曲哀虔祝俯借威靈命山川嶽瀆之神助平災沴勃雷電風雲之吏共靜郊原大開倚劍之門不隔朝天之路昭赫疲俗洗滌深冤宜伊項籍之祠能祛蜀難無使蔣山之廟獨助晉師奉掌陳詞言興涕實不任

晉公北帝醮詞

伏以五緯在天三元運氣上宗斗極下統人倫陰陽有休否之期躔次有照臨之數伏慮元命之內官宿之中因過衝妨遂成厄滯敢

憑吉日虔備醮筵上叩尊靈特希鑿祐使三命九宮之厄盡獲銷穰明星暗曜之災並蒙寧息一川康泰萬姓輯和解甲偃兵年豐俗阜承慶素懇以答玄慈不任

晉公太白狼星醮詞

伏聞垂象上玄各有主宰或統兵軍之會或司氛稷之源仰矚光華繫其休戚臣封疆之內戈甲逾年野廢農蠶人罹塗炭念茲冤抑痛迫肺肝是敢稽首炷香馳心禱福冀因感激俾獲照臨伏希運金方爾殺之威垂大義裁非之力助茲武旅清彼郊畿拯一川墊溺之憂活萬姓倒懸之命弓弦戢偃雨順風調百穀有年五兵永息不任

晉公北斗太帝醮詞

伏以斗御中天旁周八極招搖所指邪正聿分今以節及正元時當考校群物被惟新之澤萬方承煦姬之功念此封隅尚纏兵甲生靈塗炭隴畝榛蕪膏發生播植之功曠黎庶耕桑之業以茲憂痛倍切扣折伏惟北極官中七元籍內輟衆庶凋傷之目改一方淪喪

之災克親和平永銷鋒鏑臣或身逢厄塞罪繫星辰甘寘明科以謝群品不任

馬玄通火醮詞

伏聞乾坤覆載陰陽有消息之殊日月照臨寒暑有推遷之候吉凶在運否泰相沿雖曆數使然有堯水湯災之變而修禳有道見返風退舍之文惟此郊原方當厄會蒸黎未泰戈甲繼興微彼星圖定逢火曜是用歸心大道虔扣上玄開太一之壇行三五之法躡紅颯而請福步玄斗以祈天所希列火騰威應星芒於上境陽光散焰蕩陰穢於下方仰福聖躬大庇川蜀人登福壽野息戈鋌同沐神功永銷憂患不任

晉公北帝醮詞

臣聞斗極居尊統臨八表指揮萬象總御衆靈构建所加災凶自息今以封疆之內兵革尚興人未息肩時方震懼既勞備禦必廢耕桑念彼榛蕪益深憂歎敢憑醮酌重聲祈誠伏惟太宰揚威七元振令使雷車電騎掃蕩四方畢雨箕風舒舒品物克清境域大成生

靈如巨躡次有災陰陽構厄乞當天譴用息人殃元元丹誠仰俟昭鑒不任

川主太師北帝醮詞

伏聞垂象表靈位尊北極統臨萬有照燭羣生八十一變之威容三十六兵之神武肅清造化臨察幽明殄惡誅邪安人護國今以朱陽屆候赤帝司方南風資長育之恩四叙叶清和之節懿功將就農務方繁而疫癘兼行鉦鞞未止民多矜仆野困逋逃既投足無場豈息有所叨居監護實切憂傷更因銜黜之辰再布誠祈之懇伏冀神兵助役蕩氛翳於郊畿雲騎騰威掃疾瀾於閭里生靈有泰遠近無虞昏霧永銷見三蜀山川之色浮雲自滅開九天日月之光厄運蠲平災危靜息常傾丹素以副玄休不任

晉公北帝醮詞

伏以六氣周流天道為生成之本七星杓準斗君為統制之元罪穢吉凶咸歸校錄臣以近歲未泰戈甲猶興四野靡安疾疫斯構念茲疫癘痛逼肺肝敢因銜黜之辰更達扣祈

之志伏冀曲迴聖力俯借神威垂景貺於四人息災危於三蜀休兵偃革時泰民安厄運銷平福祥臻會不任

謝恩北斗醮詞

臣以凡愚叨依替褐修持多闕過咎易盈謫責所臨疾瘵斯構羸形幾喪微喘偶全三洞法師杜弘廣情切本枝念深危疾式披丹懇冥扣玄真果蒙降以殊休續其餘算仰荷真靈之祐再窺日月之光螻蟻力微乾坤恩重用伸醮酌仰報生成伏惟聖慈俯賜歆鑒不任

五星醮詞

伏以三光垂耀五緯流輝盈縮有常古今無紊循環列次主宰孳生影響靡虧吉凶攸繫臣叨膺命秩獲履土疆惠未洽於飛沉境方纏於災沴兵鋒凌暴士庶流移千里瘡痍一方殘毒念茲憂痛實切肺肝竊惟上聖好生至具有物敢憑慈惠再登醮祈伏希太白揚威助武功於原陸歲星舒彩播仁澤於郊圻五辰順軌以呈祥萬類承風而納祐野無悲

怨俗洽和平誓竭丹襟仰酬玄貺不任

本命醮北斗詞

伏聞斗正中天杓臨八極魁綱所指福祚必臻臣行運之中土居身位遊年之內災向離方今屬斗在南天日躔命宿仰申告醮冀獲感通願垂宰制之威以靜晦蒙之數克垂玄祐敢負明恩不任

本命醮南斗詞

伏聞南上六官文昌眾聖壽涯所繫生錄是司動植幽微咸資主統祈生請福蓋露明誠臣叨荷寵恩謬司藩部功無塵芥過積丘山而行運之中方當否塞宿曜之內併有照臨敢因章奏之壇重有禱祈之望伏冀朱官上聖丹闕高尊垂迴凶度厄之慈開輟死上生之路使一境之兵銷革偃四時之雨順風調拯癘魄於窮泉拔遊魂於長夜降元和之澤濟冥漠之卿浮雲不蔽於青天忠懇獲申於白日元元之志仰俾鴻休不任

本命醮三尊詞

伏聞大道昭明獨著好生之化天具慈惠偏

弘濟物之仁厚育必均撫臨無失巨自惟凡
陋叨荷寵榮未著勲勞存深渥澤而維鵜起
誚聚鷓為災蓋薄德而招亦延蒙所萃三命
之內或有刑銜九曜之中仍聞臨照敢因元
命度扣上玄伏希迴此凶衰錫其積貺救過
尤於既往解厄會於將來得傾忠赤之心上
答乾坤之澤誓當砥礪以奉玄慈不任

周天醮二十八宿詞

伏聞玄象在天萬有成照動植荷無私之德
幽明承不宰之功臣早被寵光謬司藩翰誠
慙薄德繼履深災羣邑涸夷生靈淪斃於茲
傷痛須勵誠祈伏惟允降玄休克寧疲瘵使
兵旗永卷無聞冤訴之音稼穡惟豐自洽和
平之化至於山川之內地分災期躔次之中
天文厄運並希銷解俾獲又康華竭丹誠仰
副鴻澤不任

禮記博士蘇紹元九曜醮詞

臣以凡微叨逢聖日荷三境照臨之賜承二
儀亭毒之恩常慮跡處昏衢身拘俗網修持
有闕罪咎易增雖佩奉祕文遵崇寶錄香燈

怠惰葷濁侵凌道氣不降於百關靈官暗遷
於六府由是虛邪內集疾恙旁繁風夜兢憂
懼不全濟又慮五行三命運遇凶衰兼以土
曜木星仍臨官宿顧惟凡眇素寡善功當此
災期倍深惶惕是敢按河圖舊典披啓醮壇
依靈寶尊文請求天象伏冀玄慈俯矚靈眈
遐霑洗滌過尤解銷災咎明星隱曜共介禎
祥八卦九宮並祛刑厄疾患痊復邪癘蠲除
增祿秩於惟新續年齡於延永行年神將法
籙吏兵輟罪舉功成賜昭祐永當修勵以答
玄恩不任

川主天羅地網醮詞

伏聞一氣肇胎三靈資始乾坤偶定彼陰
陽金華土浮明其次舍九興於坎戊亥謂之
天羅六起於夷辰巳謂之地網乃二體昇淪
之所是兩儀代謝之鄉陽伏而不能剛陰絕
而不能繼行年所歷寔日災期况天地中和
圓方化育流形挺質命世降奇皆歸鼓鑄之
權難道興衰之數顧臣凡昧敢避晦蒙丙辰
當厄會首臨丁巳乃災期將解惟茲二歲寶

抱百憂上祝玄穹敢希銷解伏惟聖鑒俯念
誠祈顯降威靈大法災霧使乾綱坤紀息氛
洽於一方地網天羅解凶期於小運行歌擊
壤歸聖朝朴素之風東甲改弓副玄祖希微
之教永勤香火以答玄慈不任

川主醮九曜詞

臣叨荷國恩謬分戎閩西南粵壤鬻蜀雄都
三舍當象奔之蹊八圍控羌蠻之域區封既
廣統制所難常慮非才有負殊寄夙夜憂懼
不敢違安近歲以來凶災未息疾癘時起干
戈日尋今按考黃圖驗求玄曆分野之內太
白將臨況運兵壽方逸武旅仰裁非之義伏
肅殺之威佇靜四郊以康萬姓伏冀天光俯
鑒聖力潛資濡渥澤於九重救懸危於千里
索弓解甲鑿井耕田里閭無瘥疫之家遠近
有歡乎之俗長庚所指幽滯俱通即承荷昭
祐之恩不任

揚鼎校書本命醮詞

伏以斗御中天杓移列次軋帝車而獨運浮
華蓋以高臨吉凶得以司明罪福由其考校

雖塵凡杳隔仰星晷以無階而天聽甚卑有心誠而必鑿丹襟所叩玄應攸彰臣頃以災

蒙偶逢艱梗道途阻塞骨肉支離因與幼男

兩地睽隔蒼惶相失音信莫通唯晝祝長天

夜瞻斗極冀其通感再獲團圓炷香而血淚

共垂拜手而心魂俱往果蒙昭祐遽歸還

常懷再造之恩未答自天之澤兢憂度日芒

刺在躬今值玉局仙居錦都靈化下藏洞府

上屬星躔盼嚮可期真靈朔會輒投勝境願

展醮祈將酬福祐之慈少違敬恭之禮佇迴

真鑒俯納塵心小男以壬子主生微臣以庚

申定命常希聖力永賜保持祛五行三命之

災解宿度天文之厄得勤修勵克奉休明泰

稷非馨真仙是鑒不任

廣成集卷之七

七

廣成集卷之八

敢六

上都太清宮供奉應制聖章大德賜紫杜光庭撰

川主令公南斗醮詞

伏聞天覆地載資大道以生成稟質孕靈由至真而潛運用能彌綸不極生化無窮真宰

主張玄功統御雖太虛遼邈劫層避長庶品誼闡九闡曠蕩刑政繁維分野幽深火燭攸

司安危是繫巨遭逢聖運塵忝恩榮授以節旄委之輔相地雄巴蜀境控羗蠻懋無綏撫之能常切兢憂之懇况舉善禪惡須用賞刑

伐叛誅兇仍施斧積戎祀有牲牲之具賦輿有徵督之勞有土有之蓋不得已實恐材

不當委任失宜因起怨咨遂成災沴今又土星行度對照此方地一移官將離益部五鬼

臨於坤位火曜躔於升宮又巨大運在衝破之鄉小運當命墓之歲木既薄弱火亦衰微

天符臨於行年遊行逢於絕命土方對照又在真官金火伏行亦居滯位木星處愁煩之

宿暗曜出乖背之方垂象至明陰陽有數得無警懼以自勵修尚恐過咎易深尤違旋積

因其愆失災及生靈省已耐心不逞寧息竊

聞正陽之月丙午之辰是六星降鑒之期南

斗定生之會滌瑕介福宥罪覃恩輒按明科願申昭謝詣玄元真府玉局靈壇精備信儀

肅虔香火普日月星辰之界遍山川海嶽之

司咸罄丹心恭脩大懺伏冀迴無私之鑒垂不測之神降彼南官盼茲下土共流其既俯

察微誠解地分之災澤銷天文之謫見息三命五行之厄除九官八卦之凶靜土星所照

之方克承嘉祐穰地一將移之數允錫休禎黎元咸保於乂康穀稼必期於豐衍連營有

泰四境無虞疫毒未侵戈鋒弭戢上願三光表瑞循黃道而福帝躬五緯順常扶紫微而

拱玄極龍圖永固鳳曆攸昌其有境土龍神山川祠廟共延祥祉用拯幽明至於地府陰

關遊魂苦爽蜺翹飛走水陸沉潛仰承濟護之恩永享安寧之祐不任

川主周天南斗醮詞

伏以蜀之星躔上當鶉首蜀之分野下接坤維當申未之方在參井之度今以土星對照